

Miszellen.

Eine Pastorenbestallung aus der Reformationszeit (1541).

Mitgeteilt von Dr. Th. D. Achelis.

Wy Christiann vonn gots gnadenn tho Dennemargken Norwegenn der wendenn vnnnd gottenn Konnigh Hertoch tho Sleswigh Holstein Stormarn vnnnd der Ditmarschenn Graue tho Oldenburch vnnnd Delmennhorst, Doenn kunnth vnnnd Bekennen, vor vnns vnnse Erueenn vnnnd suft jedermeniglichenn Dath wy denn Erwerdigenn vnnsen Leuenn getruvenn, Ernn Johann wechter vor vnsen predicanntenn vnnt pastor jnn vnnse stadt Sunderborch tho Sunte Jurgenn, vp vnnnde Angenomen hebben, der gestalt, dath he dath hellige gotliche wort vnnnd Euangelionn Lutter Reynn vnnnd Clar vnnsen vnderthonenn dasuluest Na Lude vnnnde Innholde vnnse vtgegangenn Ordinantie¹⁾ predigen vnnnd Lerenn scholl, Daruor ock vmbe siner vefelseltigenn vlitigenn vnnnd getruvenn Dinst willenn so he vnns gethann vnnnd noch hennforder thonn scholl will vnnnd mage, hebbe wy ehme met des kalennndes vicarie tho Sunderborch gelegenn, met alle eren jnn vnnnd thobehorunge so da vonn alders by gewesenn vnnnd gelegenn synn vnnnd noch liegenn, so lang damebe begnadet vnnnd, diwill he alda tho sunte Jurgenn tho Sunderborch ein pastor vnnnd kerckher ys vnnnd sck daruor gebrucken Latenn will wo wy ock jnn Crafft dises vnnses breues, Eme solcke vicarie met sampt erenn jnn vnde thobehorungenn wo bauenn berurt, Begnadenn vnnnd vorlenenn, dath he datsüluige diewill he jn vorgenomenden Dinst js vp borenn genetenn vnnnd gebrucken moge. Im fall Auer so he dath Ampt nyt mer vormesenn vormaldenn oder alda ein prediger sin wolde So scholl solcke vicarie widderum ann die kercke fallenn vnnnd dy predigers so da vonn Burgemeister vnnnd Ratmanen vnnse Stade Sunderborch gesettet vnnnd angenomen werdenn diesuluigenn schollenn sie hennforder jnn aller matenn glick wie sie Er Johann wechter jnn gebruck vnnnd Nuttunge hefft genotenn vnnnd gebrucket vnnnd also tho ewigen tybenn tho erholdunge der prediger by der kerckenn bliuenn. Gepeden vnnnde beuelenn Darop allenn vnnnd schlichenn vnser Amptluten so Nu tho Sunderborch sin vnnnd hernach komenn werdenn Ernntlich gy willen vorgemeltenn vnser pastorn Johann wechter vber solliche vnnse begnadung nit beschwernn Besunder ehnen darby schuzenn schermen vnd handhebbenn Darann tho gy vnnse thoworlatige beuelichs meinunge jnn gnadenn thoerkennen. Datum Openrade Sonntages Na Trium Regum Anno XLI

(L. S.)

Relator dominus

Rex per se

¹⁾ Auch hier haben wir eine Bestätigung dafür, daß die Ordination von 1537 auch für Schleswig-Holstein galt. Johann Wächter ist bei Arens, Geistlicheden nicht genannt. Feddersen.